

Kitikmeot Inuliqutit- Maniliugutit Munaqhiniqmun Katimayigalaat

2015. AULAPKAIYIIT NAITUMIK TITIRAQHIMAYAIT

Ikaluktutiak, Nunavut: 2-3 Hikutirvia 2015



Piksa Iqaluktuutiap hinaa auyami

4/29/2016

Produced by the Government of Nunavut – Department of Economic Development and Transportation

Kitikmeot Inuliquitit-Maniliugutit Munaqhiniqmun Katimayigalaat((SEMC, uvaluuniin 'katimayit')katimayut ukiumi katimadjutinik uvani Hikutirvia 3-4, 2015 Iqaluktuutiami uqautigiblugit aulahimayut ikayuutit havakniitigut havaaghat Nunavunmi uvalu aulahimayut Inuuhinut-Piyangaiyautikkut aalanguqniit iluani nunalaat. Una katimadjut upautiyuqagiaktuq havakvikyuanin uvalu kavamatkut havaktiin, ilaayut tikkuqaqtauhimayun pingahut talimanin aviktughimayuni haamlatmin. Malgukni ubluni katimayut ilaayut uqaqtut kavamatkut havakviinin uvalu havakvikyuanin, uvalu uqautigiblugu Inuliquitit-Maniliugutit ikayuutit uvalu qanugiliugutainik angiyut havauhiit havaktut Kitikmeoni.

Una hivuliq Kitikmeoni SEMC katimaniq uvani malguukni ukiuni piliuqtaungmata katimayit katimangitut aipaangani. Taimaatun, katimayut aulagutiyut naunaiyaqhimayumik ihivgiuniqmik haffumuuna SEMC uvalu ilaayut ihivgiuffaaqhugit ikayuutit havaknikkut hulidjutit uvalu hilakkut naunaiyaiyut ihivgiuffaaqniit aviktughimayuni kingungani malguuk ukiuk. Taimaatuugaluamin tadjamin piqangituq uyagaghiutinik Kitikmeoni, piqaqtuq angiyungnik malguuknik havaktunik hivuagut pidjutighanik hilakkut naunaiyaqniqmik havautaanik upautiliqtuq havaknianun. Havakvikyuanit tikkuqaqtauhimayun hapkunanga havaanit pipkaiyut katimayit uqautigiyait naunaiyaqlugit havaatik uvalu tuhaalutik ilainik nigiktamingnik uvalu ihuigiyaayut qanituni nunalaani.

TMAckut Ikayuutit Inc. tunihiyut qanugidjutainik 2015 Doris Northkut Inuliquitit-Maniliugutit munaghiyut Havaanga (SEMP) uniudjutait, ilaayut naunaitkutait hamanga 2014min uvalu 2015min. TMAckut naunaiyaiyut taja aalanguqniit Doris North SEMP, piyut ilaliutihimayunik nutaanik ilainik naunaitkutainik. Sabina Gold & Siver Corp, upautihimayunlu tunihiblutik kingungani kangiqhidjutinik uvuuna Back River Havaanganik ilaayut qaiyut atugahat hilakkut ihivgiugutait havauhiit. Sabinatkut tunihiyut Kinguliqmik Avatingnut Pidjutaayunun Naunaitkutitik hapkunanga Nunavut Avatiligiyikkut Katimayit , ilaayut titiraqhimayut Kitikmeot Inuliquitit-Maniliugutit Munaqhiniqmun taamna ihumagiyauniaqtuq katimayiinun havaaq aulaqat. Aalat ilaayut hapkua uyaraqhiuqtit qiniqhimaqtunik havaktiit Kaizen Discovery Inc. uvalu havaktiit hapkua Polar Knowledge Kanatami valu Kanatamiuni Qullaani Ukiurtaqtuq Naunaiyaivik.

Piqangitumik angiyunik uyagaqhiuqtunik taja, uqautigiyait piluangitut uyagahiuqniqmun upalungaiyaqlugit nunalaat hivunighainik pikpata atahiq tamangnik ukua angiyut havaat aulagutikpata. Katimayit ilaayut akhuugutigiyait ihagiahukniit ayuiqhaqnikkut tadjamin havanikkut piyaangani mighiyuumiqlugu ikayuutit havaknikkut piyaghat hapkunait

kaiyun havaaghat, uvalu piliuqlutik ikayuqvighanik havaamik mighiyuumiqlugu uvalu ihuaqhiyaangat pidjutauniaqtut ihuangitut Inuliquitit-Maniliugutit ayuqhautit. Katimayiit uqaqhutik ihumagiyamingnik ayuiqyuumilutik qanuq nunalaat haniani Meadowbank uvalu Mary River Havaangit kiuvaktut aalanguqniqmik pihimayut hapkununga havakniitni aipaagu katimaffaaqata.